

# 'HANDLOOM HI'

*C.Lalchhandama  
Joint Director(H&H)  
Commerce & Industries Deptt.*

Keini Mizote hian **'HANDLOOM HI'** kan hmelhriatna a la rei lo hle a, ni bera kan hriat dan hi a dik tawh loh vang pawh kan ti thei awm e.

**'HANDLOOM HI'** Mizo ladeh, zethlan leh tah a\anga lo in\an, Siapsuap leh Hnawkhal inchei nana kan hman hnua, Kawngvawn (Puanbu) Loinloom hmanga Puan kan tah \anna hmanrua a ni, kan ti lo thei lo. Heng Puanbu hmanga puan kan tah hian kan Mizo hnamzia langthei puan tam tak tah chhuah a ni. Puanbu hmanga puan kan tah \anna hi 1500 AD vel bawr niin a lang. Mizo History ziaktu hnen a\anga hriat danin.

**'HANDLOOM HI INDIA RAMAH':** India ram hi handloom lamah hian Lal Isua Krista pian hma, 922 BC lai vel daihah khan, ramdang nena insumdawn tawn nan , Puan zaisin, la zehmawi chi hrang hrang te, Israel ram leh Arab ramte nen an lo hmang tawh a, khawvelah hian a lo hmingthan pui tawh a ni.

Heng hunlai hian Handloom (Puantah Khawl) chi hrang hrang an lo hman tawhte chu, Bamboo Loom, Pit Loom, Throw Shuttle Loom leh Jaala Loom te an ni. La hraw a\anga la zaisin ber berte siam chhuakin, rawng chi hrang hrang (Natural Colour) hmangin rawng thlak an lo thiam tawh bawh a ni. Heng hun laia an la hman ber chu 'COTTON YARN' a ni a.

India ram hi la chin nan a \ha hle mai a, a season nen pawh a inhmeah, chuvangin, a hmingthan phah hle \hin a ni.

Amaherawhchu, India ram aia la \hat duhna hi ram pahnih, Sea-Island leh America an awm a. La \hat zawng (Quality)-ah pawh India ram late hian a tluk lo hle. Tun thlengin khawvela la quality \ha ber chu Sea-Island Cotton hi a ni a, Tin, America Cotton hi a pahnihna, a pathumna chu Indian Cotton hi a ni, tih te pawh han zep tel leh bawh ila. La dehchuah kawngah pawh India ram hi tun thleng hian a la namailo hle a ni.

Khawvel changkanna a lo sang zel a, Cotton (Natural Fiber) hian khawvelah hmun sang tak a luah laiin, Japan, German, China ram a\ang tein, Chemical Fiber/ Yarn an rawn siamchhuak ta a, a tlangpuiin heng la siamchawp te hi (Petroleum by-product) Chemical a\anga siam an ni a, chungte chu :- (a) Nylon 6 (b) Nylon 66 (c) Terrine (d) Terreline (e) Accrylic yarn (f) Polyester (g) Accrylic wool, etc an ni.

Heng Terrine, Terreline, etc hi a hau chuan mihring tan incheina atan a hlauhawm avangin cotton yarn nen a lazai hi an kawp (Blended) \hin a, tichuan, Terri-cotton hmingte puin

a percent pein e.g; 50% Terrine, 50% Cotton tiin, puanthanah an rawn chhutlan \hin hi. Ekhai, helamah kan kal thui lutuk dawn, **“HANDLOOM HI”**-ah hian i kir leh tawh teh ang.

Kan thu hma han neih takah khan, Kawngvawn Puanbu, (Loinloom) kan hmanna hi chu, Mizote thlangtlak hnu a, Run Kam a awm lai daih tawh a ni e, te an ti hial a.

Puantah khawl (Fly Shuttle Frame Loom) hmanga Mizorama puan kan tah \an hun hi 1961, Assam hnuai kan awmlai khan a ni kan ti thei ang.

Industries Department hi heng hunah hian a la ding lo va, Assam Sawrkar khan Handloom Puantah hi Mizote hian zir ve se, tuna an kawngvawn puantahna hmang tho hian, Assam State-in kan hmanlai **BARUA LOOM** hmang hian awlsam zawkin puan an tah thei ang tiin, Aizawl Bawrsap kaltlangin Kolasib Project vengah Pu R.L.Thanzawna (L), BDO hnenah an rawn pe a, ka hriatdan chuan puantah khawl (Barua Loom) 60 lai a tling a ni.

Tichuan, training te rawn pein, mi tam tak chuan \angkai takin an hmang a ni. (He Barua Loom hi hmu chak te kan awm chuan, Pi Zodinpuui, Tuikhuahtlangah hmuh theihin a la awm e).

1963 a lo inher chhuah meuh chuan khawl hmanga puantahna (Fly Shuttle Frame Loom) pawh Assam sawrkar bawkin Mizoramah a rawn introduced leh ta a. Project pakhat ang a kalpui niin, training centre te rawn siamin kan hmeichhe eng emaw zat chuan an zir a, an hlawkpui hle a ni.

1966-ah ram a lo buai ta a, eng emaw chen chu he project hi kalpui hleihtheih lohvin a lo awm ta a. Amaherawhchu, kan mizo pa ngei Pu K.Thanzauva chu (Assam Tinsukya)-a service lai nen Mizoramah transferred a rawn ni ta a. (Heihi a hun lai (kum) chiah ka hre ta lo). Project office rawn awpin, tuna DIC Ramhlun Aizawl hmunah hian a thawk phawt a.

Pu K. Thanzauva hian Puantah lamah Mizote kan hnufum zia hriain, hma nasa taka lain, Thenzawl kuaah sawn Weaving Co-op Society dinin, a enkawl turin Pi Lalaipuii, Demonstrator chu 1978 kum hian a hmunah a thut chilh tir nghal a. Heihi Fly Shuttle Frame Loom hmanga Mizoramah tih tak tak a hmalak na chu a ni. Kan hotu hmasa Pu K.Thanzauva (L) hi a fakawmin Handloom hmanga Puantahtute leh Commerce & Industries hian a theihngilh ngai tawh lo vang.

Eng emaw chen, Weaving Co-op Society chu Thenzawlah hlawhtlin puiin lang mahse, mahni ta ngeia Puantah a eizawng duh an lo awm tak avangin kalphung thar kan hmang leh ta a.

Heta \ang hi chuan a ziaktu ngei hian hma a va la \an ve ta a ni. Hetih huanlai hian Pu K.Thanzauva hi Joint Director (H&H) a ni. Puantah thiam mi sawm (10) thlangchhuakin Puantah khawl pakhat \heuhvin kan pe a, Puan ban khawl (Warping Drum) pakhat kan in\awmtir ta a. Pi Lalaipuii, W/D chu thlak in Pi Vanhnuaitang, W/D chuan ava \hutchilh leh ta a. An hnenah a duh apiangte, a thlawnin an training-tir a, a zirchhuak apiangte, puantah khawl, Workshed atan

Rangva 4 Bundles, bul\an nan, la leina Department-in a pe zel bawk a, Hetih lai hian Thenzawl khua chu Puantahna Khawpui turin a inmung ut ut a ni ber.

Weaver Association-te lian takin an ding a, an ngenna avangin Pu K. Thanzauva Memorial Running Football Trophy siamin, kum khat chhungin hlim tak a infiamna te neih \hin a ni.

Pu K.Thanzauva (L), Joint Director (H&H) chu a pension a lo hun ta a, ui takin 1996 khan kan thlah liam ta a. Tichuan, mi hrat khawkheng kan ti lo thei lovang, Puantah lamah na na na chuan, Pu Lalthangliana chuan Pu K.Thanzauva chu arawn thlak ta a.

Pu Lalthanglilana, JD (H&H) tih a lo ni ta. Amah hi 2 Years Textile Certificate Course Guwahati-a zir chhuak a ni a. Hun rei tak, Handloom Training Center (tuna Directorate hmun hi Handloom Wing ram a ni) enkawlin, mi tam tak eizawna \ha siamsaktu a ni.

Training Center a enkawl lai hian handloom puantah technique thar a hmuchhuak tlat mai. Hei hi a hlu hle mai. Burma a\anga puantah thiamten , Puanzeh mawi tah tura Hnahchawi buaithlak zet anrawn hman hi a ngaihtuah ta a. Hetiang tak a buaithlak lo hian a tih theih ang, tiin amah ngeiin puanbu a siam a, a duh ang ngeiin hmuhchhuah a nei ta a, chu chu ‘**TAHRUIH**’ a ni. Hemi hmang hian, vai hovin Jaquard, Dobby hmanga an tah chu, awlsam tein kan tah ve thei reng mai a nih chu! Pu Lalthangliana (L), JD (H&H) hi kan chhuang a, kan theihngilh tawh dawn hauh lo a ni.

Tichuan, a kum telin Handloom chuan hma a sawn zel a, Thenzawl khaw In 75% dawn chuan tunah hian puantahin ei an zawng a ni. Kum tina Thenzawl khuaa Puantah hmanga sum che vel ngawt pawh hi tunah hian Kum khatah 11Crore a tling hial a ni.

Thenzawl hmun hi Tropic of Cancer tantlang a nih vang nge, Puan/La hi a hmuar ve ngai hauh lo va. Kan hranghlu kal tate khan hei hi hriain, Thenzawl hi Puantahna hmunpuiah an lo siam a ni.

Amaherawhchu, tunah chuan, khawi hmunah pawh puan a tah theih ta. Kan mithiamten puan/la hmuar lohna (Moirproff) an lo hmuchhuak leh ta zel a, Mizoram hi kan la vannei dawn chauh a ni.

**‘HANDLOOM HI’** Mizoram bikah chuan kan hriatna chin pawh kan sawi ang kha a ni a. Handloom Puantahna khawl pawh chi hrang hrang India ram chhungah a tam a, puantah chhuak chak tak khawl pawh sawrkar chak tak zarah la hmang ve thei turah inngai ila, chung khawl hming te chu tlem han tarlang ila :-

- 1) Tappet Loom
- 2) Flange System Loom
- 3) Semi Automatic Loom
- 4) Chitaranjan Loom
- 5) Mosquitonet Loom

- 6) Leno Cut-work Loom etc.
- 7) Gauze Loom
- 8) Hutterslay Loom

Nasa leh zualin keini Mizo fate hian eizawna tlak, mihringin kan damchhung leh kan chhiatni \hatnia kan mamawh tawp hauh lo tur **'HANDLOOM HI'** i chawisang zel ang u.

Central India-ah hian Ministry of Textile hnuaia awm a ni a, ka sawi tawh ang khan handloom product-ah hian khawvelah India sawrkar hi a hmingthanna chuai thei lo a nih avangin, Central India-ah eng party politic pawh lal se, **'HANDLOOM HI'** chuan hmun laili a luah reng ang.

Pi Indira Gandhi hunlai a\angin, vawiin thlengin **'HANDLOOM HI'** an dah hniam ngai lo a ni. 20 points economic programme-ah pawh khan No. 5 chang pha a ni.

Textile (Texture) lo luh dan erawh kan ziak hman rih lo mai ang a. Handloom & Textile tih zawk hi India ram leh hnam pa te lam dan a ni a, a ni kum khua tawhin ka ring. **'HANDLOOM HI'** India rama upa zawk a nih vang te pawhin a ni ang e.

Kan ram, Mizoram zim teah pawh mi tam takin **'HANDLOOM HI'** eizawna tlakah an ngai ta. Mi pakhatin Loom 30 te, 60, 100 lai nei te an awm ta. Hmachhawp a lian tulh tulh a, thawktu tlemte in enkawl chi a ni ta lo. Sawrkar lamah pawh **'HANDLOOM HI'**, HANDICRAFT nen te hian office lian tak, Meghalaya, Manipur, Assam State te anga **'Directorate of Handloom & Textile'** a kal ngaih hunte pawh a la awm mahna. Handicraft hi Textile-ah a inchhun luh vek avangin Handicraft tih hran hi a \ulin a lang chuang lem lo tih te han sawi tel hram ila.

**'HANDLOOM HI'** hma a sawn chak hle a. Aizawl khawpui chhung hmun tin deuh thawah puantah ri a insaikalh ta nawk nawk mai. Industrial Estate, Zuangtui Aizawl-ah phei chuan industry hlawhtling leh khual zin te tlawh ber a lo ni ta.

Mizo Kut-Ni Vang thla-ah kan Mizo Traditional Dress a par chuai chuai ta mai. Phai lam khual \hate thilpek berah pawh Mizoram sawrkar leh mimalte pawhin kan hmang ta. Shawl, Puanchei, Kawrchei, Diar, Thangchhuah Kawr leh Ipte-chei thlengin.

Tun dinhmun takah hian Mizorama puantahtute hi kan harh chhuak ngai pakhat awm chu, COTTON YARN hman hi a ni.

Hnampui leh fing zawkte hian tuna kan la hman ber *Accrylic Yarn* hi Chemical hmanga incheina atana hman chi-ah an hriat loh avangin, North East-ah lo chuan a Market hi a \ha lem lo va. Chuvangin, 'COTTON YARN' hmang turin i inbuatsaih thar leh teh ang . Tichuan, India ram pawn thlengin handloom product hi nasa zawkin kan thawn chhuak thei ang.

Mizo te hi kan danglam em em a, pakhat han sawi kai lawk teh ang.

India ram laili lamah Colour Combination zirna Institution hial a awm laiin, Mizo Nu-te mit hi khuanu hian a lo siam *special* khawp a. Colour Combination-ah na na na chuan, ka hmuh dan chuan, khawvel-ah an ni tluka thiam an awm lo a ni. Primary Colour, Secondary Colour tih te an hre ve lem lo. Mizo Nu mit leh hriatna-ah hian zu kim vek a. Hei hi kan hman thiam zel chuan, Mizoram Economic \han zelna atan No.1 tur a ni ngei ang. I \ang zel ang u.

**'HANDLOOM HI'** \hang lian zel rawh se.

Industry Meichher  
Jan-Mar, 2019